

## CONVOCATORIA PROGRAMA DE PATROCINIOS DE LLABORAL CINEMATECA PA PROYECTOS CINEMATOGRAFICOS

### EL PROYECTU

Llaboral Cinemateca ye una iniciativa polifacética y abierta de Llaboral Ciudá de la Cultura, dedicada n'esclusiva al cine, promovida pola Conseyería de Cultura, Política Llingüística y Turismu al traviés de la Sociedá Pública de Xestión y Promoción Turística y Cultural del Principáu d'Asturies, (d'equí p'arriba SPXP).

Llaboral Cinemateca, per una parte, pretende aguiyar el conocimientu del arte cinematográficu na so dimensión cultural, xeográfica ya histórica y en toles sos facetes y xéneros, por aciu de l'averamientu y l'espardimientu de les sos obres por mediu de programes de proyecciones fílmiques, seminarios, actividaes educatives y otres iniciatives especiales.

Per otra, y non menos importante, Llaboral Cinemateca constitúi igualmente un serviciu públicu pal sector creativu cinematográficu y audiovisual asturianu al traviés de Llaboral Cinemateca Curtios.

Ente los principales oxetivos de Llaboral Cinemateca atópense los siguientes:

- Programación de proyecciones, actividaes educatives, seminarios y conferencies cola fin de formar nel arte cinematográficu y espublizalu con criterios d'estratexa cultural al serviciu de tola sociedá asturiana.
- Atracción de nuevos públicos hacia la cultura cinematográfica y audiovisual.
- Collaboración con otres instituciones y alministraciones de la xeografía asturiana pa la organización conxunta de programación cinematográfica.
- Apoyu a la creación de películes y curtiumetraxes realizaos n'Asturies, mesmo que'l so espardimientu y promoción en mercaos y festivales.

### 1.- OXETU DE LA CONVOCATORIA

El Programa de Patrocinios de Llaboral Cinemateca pa Proyectos Cinematográficos tien como oxetivu vanceyar y asociar la imaxe de Llaboral Cinemateca cola industria audiovisual del Principáu d'Asturies por aciu de la participación como patrocinador nel desenvolvimientu de proyectos cinematográficos bien seya llargumetraxes o curtiumetraxes, tanto de ficción como de non ficción, de valor creativu singular que se realicen n'Asturies.

Quedaríen escluyíos de la presente convocatoria aquellos de calter puramente publicitariu, promocional o periodísticu.

Por aciu de la presente convocatoria establécense les bases y requisitos que van rexir la mesma, mesmo que'l procedimientu pa la selección de los proyectos cinematográficos que van ser oxetu de patrocinu publicitariu con respetu a los principios de publicidá, llibre concurrencia y oxetividá.

### 2.- PUBLICACIÓN Y PUBLICIDÁ

La presente convocatoria y bases, mesmo que la resolución del procedimientu, van publicase na páxina Web de Llaboral Cinemateca ([www.laboralcinemateca.es](http://www.laboralcinemateca.es)) ensin

perxuiçu de los medios complementarios d'espardimientu que la SPXP considere utilizar

### 3.- DOTACIÓN PRESUPUESTARIA

Con cargu al presupuestu d'esplotación de la SPXP, autorízase la participación directa d'ésta como patrocinadora d'obres cinematográfiques por una cuantía máxima total de 34.800 euros que se van distribuyir ente un máximu de trés proyectos.

Establécense 2 tipos de patrocinios:

A) TIPOLOXÍA A. Llargumetraxes de ficción o non ficción. Máximu de dos proyectos seleccionables. L'importe de los patrocinios de los proyectos d'esta tipoloxía nun va poder superar individualmente'l preciu de 14.900 euros.

B) TIPOLOXÍA B. Curtiumetraxes de ficción o non ficción. Máximu d'un proyectu seleccionable. L'importe del patrociniu d'esta tipoloxía, nun va poder superar el preciu de 5.000 euros.

### 4.- SOLICITANTES

1. Van poder presentar proyectu tolos profesionales qu'incluyan nel so oxetu social la creación y producción cinematográfica.
2. Los proyectos que se presenten a esta convocatoria del Programa de Patrocinios han tener sede demostrable n'Asturies, o bien qu'el/la director/a o el/la productor/a tea empadronáu/ada nel Principáu d'Asturies dende polo menos un añu antes de la fecha de publicación de la presente convocatoria, o bien nacer na Comunidá Autónoma y/o vivir nella de manera siguida 5 años siquiera, o de forma discontinua 10 años polo menos. Nel casu de coproducciones ente delles empreses, el productor de la Comunidá Autónoma d'Asturies tien de ser el/la sociu/a mayoritariu/a.
3. Nun van poder presentar solicitú al Programa de Patrocinios de Llaboral Cinemateca aquellos/es directores y/o productores que fueren beneficiaos/as en dos convocatories consecutives darréu anteriores a l'actual.
4. La cuantía solicitada nunca va poder ser superior al 50 % del presupuestu total de la producción cinematográfica del proyectu.

### 5.- PRESENTACIÓN DE SOLICITÚES. DOCUMENTACIÓN A PRESENTAR

Las solicitúes han presentase exclusivamente al traviés del corréu electrónicu [info@laboralcinemateca.es](mailto:info@laboralcinemateca.es).

Documentación a presentar:

1. Formulariu oficial de participación na convocatoria, por aciu del modelu establecíu nel ANEXU I.

2. Dossier descriptivu del proyectu, concretando a lo menos: conteníos de la obra (sinopsis, descripción de personaxes, etc), oxetivos y motivaciones artístiques del proyectu, interés rexonal, procesu de desenvolvimientu (plan de producción y plan de localizaciones), historial del equipu técnicu y artísticu, plan d'espardimientu y presupuestu envaloráu nel que tien de ser reflexada l'aportación económica del solicitante y la cantidá solicitada. Otramiente, ha de dir acompañáu d'un plan de financiación, concretando amás aquellos alcuerdos yá zarraos, apurriendo documentación acreditativa.
3. El modelu de dossier a seguir ye'l detalláu de siguío:
  - Ficha del proyectu:
    - Títulu
    - Duración
    - Formatu de pantalla
    - Color
    - Soníu
    - Idioma/s
    - Dirección
    - Guion
    - Producción
    - Dirección de fotografía
    - Montaxe
    - Xefe/a de sonido
    - Empresa/s productora/s
    - Entamu de rodaxe
  - Sinopsis
  - Cronograma o calendariu (previsión de fases: Fase de guion y desenvolvimientu del proyectu/Preproducción/Rodaxe/Postproducción/Estrenu y Distribución).
  - Plan de localizaciones.
  - Plan de producción Presupuestu y Plan de Financiación.
  - Plan d'Espardimientu.
  - Biofilmografíes del director, productor, guionista y los profesionales que se consideren y participen na producción.
  - Trayectoria cinematográfica del profesional y/o empresa solicitante
  - Memoria de producción y/o dirección destacando motivaciones del proyectu, mesmo que'l so interés artísticu y rexonal.

## 6.- PRESENTACIÓN DE SOLICITÚES. LLUGAR Y FORMA DE PRESENTACIÓN

Les solicitúes, compuesta pol formulariu oficial según modelu del ANEXU I y el restu de documentación riquida nel apartáu 5 d'estes bases, tendrán de presentase, debidamente cubiertes a la dirección de correu electrónicu [info@laboralcinemateca.es](mailto:info@laboralcinemateca.es), nun únicu archivu PDF, preferiblemente por aciu d'archivu comprimíu (ZIP o RAR), ya igualmente preferible al traviés de sistema d'enllaz de descarga esternu (Dropbox, Google Drive, Wetransfer, etc). El títulu del asuntu va ser “Convocatoria Programa Patrocinios Llaboral Cinemateca”, siguiú del nome del solicitante. La documentación va poder ser presentada exclusivamente dende les 00:00h del día 12 de febreru de 2021 hasta les 23:59 hores del 12 de marzu de 2021. Toles solicitúes unviaes en plazu van recibir un acuse de recibu.

En casu de cualquier dulda o consulta no referente a la información o documentación a presentar, pueden contactar con LLABORAL CINEMATECA na direcció de corréu electrónicu [info@laboralcinemateca.es](mailto:info@laboralcinemateca.es) s o nel teléfonu 985 185 858.

Namás se van valorar les solicitúes completes, acompañaes de tola documentación esixida na convocatoria. Cuando la solicitú o dalgunu de los documentos axuntaos a la mesma tengan dalguna información incompleta va riquise al interesáu/ada pa que, nun plazu de 10 díes, igüe la información mentada, con indicación de que si nun lo fixera daríase por desestimada la so solicitú pa la convocatoria.

Van poder presentase proyectos que tean tanto en fase de producción nel momentu de llanzamientu de la presente convocatoria como que yá tean producidos, pero nun s'estrenaren comercialmente.

## 7.- VALORACIÓN DE LOS PROYECTOS Y NOTIFICACIÓN

La valoración de les solicitúes va realizase por una Comisión de Valoración integrada por profesionales de la creación, programación y producción de les artes cinematográfica.

La Comisión de Valoración va tar integrada por:

- Un/a doctor/a en Teoría, Análís y Documentación Cinematográfica y miembru de la direcció de festival internacional de cine.
- Un/a docente universitariu/a, críticu/a, programador/a y director/a artísticu de reconocíu espaciu cinematográficu.
- Un/a doctor/a en Comunicación Audiovisual, docente universitariu/a y director/a de festival internacional de cine.

Va intervenir en calidá de secretariu/a de la Comisión de Valoración una persona designada por Llaboral Cinemateca, perteneciente a la plantiya de SPXP o Conseyería de Cultura, Política Llingüística y Turismu, ensin derechu a votu.

Criterios de valoración. La Comisión de Valoración va escoyer un máximu d'un proyectu por solicitante, atendiendo a los siguientes criterios, que van ser puntuaos de 0 a 5, considerando 0 como bien deficiente y 5 como escelente:

- Calidá artística y técnica del trabayu.
- Orixinalidá de la propuesta.
- Participación acreditada d'equipu técnicu natural del Principáu d'Asturies, residente n'Asturies o vanceyáu profesionalmente con Asturies.
- Viabilidá técnica y artística del proyectu en relación a los medios disponibles.
- Criterios sociales: paridá d'homes y muyeres nos miembros del equipu, (cuntando con polo menos un 40% de muyeres nes distintes categoríes profesionales) ya incorporación al proyectu de polo menos una persona con discapacidá con un grau igual o superior al 33% reconocíu pol organismu competente na materia.

En valorándose tolos proyectos, la Comisión de Valoración va emitir un informe cola valoración de los mesmos nel que se van proponer los proyectos ameritaos pa poder ser patrocinaos.

Pa qu'un proyectu pueda ser escoyíu ha tener una puntuación mínima de 50 puntos, siendo la suma de 75 puntos la máxima puntuación susceptible de ser otorgada polos trés miembros con derechu a votu de la Comisión.

**Resolución.** La Resolución va tener llugar y va comunicase a los/les interesaos/es, enantes del 16 d'abril de 2021, per vía e-mail a la dirección facilitada pa comunicaciones de los proyectos presentaos, y también va publicase na web [www.laboralcinematca.es](http://www.laboralcinematca.es).

## 8.- DOCUMENTACIÓN A PRESENTAR POLOS PROYECTOS ESCOYÍOS

Los proyectos que fueren publicaos como proyectos escoyíos pola Comisión de Valoración, han presentase nel plazu máximu de 5 díes naturales la siguiente documentación:

- a) Documentos qu'acrediten la personalidá del solicitante. Si'l solicitante fuera persona xurídica va acreditase por aciu la presentación de la escritura de constitución o cambéu, nel so casu, debidamente inscrita nel Rexistru Mercantil cuando esti requisitu seya exixible según la lexislación mercantil aplicable. Si dichu requisitu nun fuera esixible, la capacidá d'obrar va realizase por aciu de la escritura o documentu de constitución, estatutos o acta fundacional, nel que consten les normes poles que se regula la so actividá, inscritos, nel so casu, nel correspondiente Rexistru Oficial. Pa los empresarios individuales y les persones físiques va ser obligatoria la presentación de la fotocopia lexitimada notarialmente o compulsada del DNI o documentu que, nel so casu, lu sustituya reglamentariamente.
- b) Documentos qu'acrediten, nel so casu, la representación. Los que comparezan o roblen ufiertes en nome d'otru van presentar Documentu Nacional d'Identidá y poder. Dichu poder tendrá de figurar inscitu nel Rexistru Mercantil o, nel so casu, nel correspondiente Rexistru Oficial. Si se trata d'un poder pa actu concretu nun ye necesaria la inscripción nel Rexistru Mercantil, acordies con l'artículu 94.5 del Reglamentu del Rexistru Mercantil.
- c) Acreditación de tar al corriente d'obligaciones tributaries y cola Seguridá Social:
  - Impuesto sobre Actividaes Económiques: Alta nun epígrafe rellacionáu al envís de la convocatoria referida al exerciciu corriente, o últimu recibu, xunto con una declaración de nun se tener dao de baxa na matrícula del impuestu citáu, o bien certificáu de situación al respective de dichu impuestu emitíu pola Axencia Tributaria.
  - Certificación positiva acreditativa de tar al corriente de les obligaciones tributaries col Estáu espedida pola Axencia Estatal de l'Alministración Tributaria.
  - Certificación positiva del Ente Públicu de Servicios Tributarios del Principáu d'Asturies acreditativa de tar al corriente de les obligaciones tributaries col Principáu d'Asturies.
  - Certificación positiva de tar al corriente de les obligaciones cola

Seguridá Social expedida pola Tesorería Xeneral de la Seguridá Social.

- Acreditación sobre la propiedá de los derechos d'autor utilizaos na representación pola que la entidá solicitante tien autorización del propietariu lexítimu de los derechos d'autor pa interpretar el proyectu, lo qu'acredita por aciu'l documentu oportunu expedíu pola Sociedá Xeneral d'Autores d'España (SXAE); o bien declaración responsable que l'autoría del proyectu ye so, y que tien tolos derechos correspondientes pa realizar el proyectu.
- Seguru de responsabilidá civil.

Les solicitúes que, siendo escoyíes, nun acrediten dentro del plazu establecíu'l cumplimientu de les obligaciones riquíes o nun presenten la documentación en plazu, van poder ser refugaes.

## 9.- FORMALIZACIÓN DE LOS CONTRATOS.

Acreditaos los requisitos de participación formalizaránse los correspondientes contratos. El plazu pa la formalización d'estos contratos va ser de 14 díes naturales a contar dende la finalización del plazu pa la presentación de la documentación a la que fai referencia l'apartáu anterior.

## 10.- FORMALIZACIÓN DEL PAGU

La cuantía económica axudicada a cada proyectu escoyíu va ser abonada de la siguiente manera:

- 50 % a trenta (30) díes naturales dende l'acceptación de los servicios emprestaos y por aciu de tresferencia bancaria al númberu de cuenta facilitáu que se va indicar na factura, pudiendo presentar la mesma a la comunicación del entamu del rodaxe.
- 50% a trenta (30) díes naturales dende l'acceptación de los servicios emprestaos y por aciu tresferencia bancaria al númberu de cuenta facilitáu que se va indicar na factura, n'apurriendo una memoria descriptiva con tolos detalles técnicos y económicos del proyectu xunto cola entrega del montaxe (entá nun siendo una versión definitiva). El plazu máximu pa la entrega de dambos documentos/archivos va ser d'un añu dende la resolución de la convocatoria. Escepcionalmente, el productor va poder solicitar per escritu una prórroga d'esti plazu.

En dambos casos el día de pagu va ser el 28 de cada mes.

A estes cuantíes van aplicáse-yos los impuestos correspondientes acordies cla llexislación vixente y van ser compatibles con otres ayudes económiques o subvenciones otorgaes por otres entidaes o Alministraciones Públiques.

Nel casu de proyectos realizaos en réxime de coproducción con otres empreses, esta reconocencia de costu va referise namás al porcentaxe de participación asturiana na mesma.

## 11.- OBLIGACIONES DE LOS PATROCINAOS

En contraprestación, el/la - los/les beneficiarios/es escoyíos dentro del Programa de Patrocinios comprométense a:

1. Añedir nos títulos de creitu del proyectu'l logotipu de Llaboral Cinemateca, al pie de la lleenda: 'col patrociniu de Llaboral Cinemateca'. Otramiente, en tolos materiales de difusión, distribución o promoción del proyectu, ha constar tamién que la producción cuntó col patrociniu de Llaboral Cinemateca.
2. Mentar na promoción y difusión del proyectu la collaboración dentro del marcu d'ayudes de proyectos de cine asturianu impulsáu dende la Consejería de Cultura, Política Llingüística y Turismu del Principáu d'Asturies y Llaboral Cinemateca.
3. Autorizar a Llaboral Cinemateca pa facer usu del nome de la empresa productora y/o persona xurídica y la so obra, mesmo que del material gráficu de la mesma p'acciones promocionales o de comunicación de la mesma institución.
4. Ceder derechos de proyección pal so espardimientu a Llaboral Cinemateca y centros dependientes o colaboradores del Gobiernu del Principáu d'Asturies, hasta un máximu de 5 pases.
5. Ellaborar y apurrir, nel plazu d'un añu dende la firma del contratu posterior a axudicación:
  - 5.1.1 Una copia del guion definitivu y una copia de la obra col montaxe definitivu en formatu dixital (calidá h264 o superior). La copia depositada en cumplimientu d'esta contraprestación, nun va poder ser retirada nin devuelta.
  - 5.1.2 Memoria final del proyectu, tomando como base la propuesta de proyectu inicial presentáu a la convocatoria, ya indicando, ente otres cuestiones, la relación de les acciones desenvueltas nel rodaxe, participantes y oxetivos alcanzaos.
  - 5.1.3 Copies de materiales de promoción y difusión de la obra (fotografíes, posters, dossier de prensa, teasers / trailers o otres creatividaes) p'actividaes venceyaes con Llaboral Cinemateca, la SPXP y la Consejería de Cultura, Política Llingüística y Turismu.

## 12.- ACEPTACIÓN DE LES BASES

La presentación d'un proyectu a esta convocatoria supón l'aceptación automática y completa de les presentes bases.